



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DAVANJU SAGLASNOSTI GRADONAČELNICI GRADA SARAJEVA ZA NABAVKU I
DONACIJU OPREME ZA POTREBE UPRAVE POLICIJE MUP-a
KANTONA SARAJEVO
(Prijedlog)

Predlagač: Gradonačelnica
Obrađivač: Stručna služba za poslove kabineta
i poslove Gradske uprave

Sarajevo, juni 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08-prečišćeni tekst), Gradsko vijeće Grada Sarajeva na __ sjednici Gradskog vijeća održanoj dana __.__.2022. godine, donijelo je

(Prijedlog)

ODLUKU
O DAVANJU SAGLASNOSTI GRADONAČELNICI GRADA SARAJEVA ZA
NABAVKU I DONACIJU OPREME ZA POTREBE UPRAVE POLICIJE MUP-a
KANTONA SARAJEVO

Član 1.

Gradsko vijeće Grada Sarajeva daje saglasnost gradonačelnici Grada Sarajeva za nabavku i donaciju opreme (četiri kompleta za vršenje uviđaja saobraćajnih nezgoda), za potrebe Uprave policije MUP-a Kantona Sarajevo, Jedinica za saobraćaj, kao vid pomoći Grada Sarajeva poboljšanju operativne sposobnosti Jedinice za saobraćaj.

Član 2.

Nabavljena i donirana oprema iz člana 1. ove Odluke ne može preći vrijednost novčanih sredstava u iznosu od 6.000,00 (šest hiljada) KM.

Član 3.

Plaćanje opreme u navedenom iznosu izvršit će se iz budžeta Grada Sarajeva ZA 2022. godinu, pozicija 600000 - Tekuća rezerva.

Član 4.

Ova odluka stupa na snagu danom donošenja i bit će objavljena u „Službenim novinama Kantona Sarajevo.“

PREDSJEDAVAJUĆI GRADSKOG VIJEĆA
Jasmin Ademović

Broj:
Sarajevo,

Obrazloženje

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojim je propisano da Gradsko vijeće Grada Sarajeva donosi odluke, druge propise i opće akte i daje njihovo tumačenje.

RAZLOZI DONOŠENJA

Gradu Sarajevo, gradonačelnici Grada Sarajeva, molbom se obratila Uprava policije MUP-a Kantona Sarajevo, tražeći pomoć i podršku u nabavci opreme za potrebe Jedinice za saobraćaj (četiri kompleta za vršenje uviđaja saobraćajnih nezgoda), a sve u cilju poboljšanja operativne sposobnosti ove Jedinice.

Cijeneći dosadašnju saradnju organa Grada Sarajeva i Ministarstva unutrašnjih poslova Kantona Sarajevo, te pomoć koja u vidu nabavke i donacije ove opreme znači navedenoj organizacionoj jedinici, sačinjena je Odluka na način kako je u prijedlogu akta i navedeno.

Stav predlagača je da u konkretnom slučaju ovu pomoć treba obezbijediti, te da organi Grada Sarajeva u odnosu na podnesenu molbu Uporave policije trebaju zauzeti pozitivan stav, a što je i razlogom za dostavljanje Prijedloga Odluke Gradskom vijeću na razmatranje i odlučivanje.

FINANSIJSKA SREDSTVA

Sredstva za realizaciju odluke obezbjeđena su u budžetu Grada sarajeva, pozicija 600000 - Tekuća rezerva.